



Број/Број: 03/1-50-1-7-33-6/b09  
Сарајево/Sarajevo: 22.1.2009.godine

**Članovima Zajedničke komisije:**

**Šefik Džaferović, Vinko Zorić, Drago Kalabić, Mirko Okolić, Jozo Križanović, Sulejman Tihiić, Hazim Rančić, Branko Zrno, Ivo Miro Jović, Dušanka Majkić, Slobodan Šaraba i Adem Huskić**

**PREDMET:** Informacija o prisustvu Godišnjoj analizi protuminskih akcija Oružanih snaga BiH za 2008. godinu  
Veza, akt broj: 03/1-50-3-82/09

Branko Zrno, predsjedavajući Zajedničke komisije, i Željko Grubešić, stručni savjetnik, prisustvovali su, 21.1. 2009., Godišnjoj analizi protuminskih akcija Oružanih snaga BiH za 2008. godinu.

Tokom konferencije dat je pregled aktivnosti Oružanih snaga BiH u provođenju protuminskih akcija za 2008. godinu, s podacima koji govore da u aktivnosti deminerskih jedinica OSBiH treba ulagati puno više nego do sada. Njihovi rezultati ocijenjeni su veoma dobrim. Najvažnije u svemu tome jeste činjenica da nije bilo povrijeđenih lica u realiziranim akcijama.

Na Godišnjoj konferenciji o protuminskim akcijama u Oružanim snagama BiH govorili su generali Sakib Forić i Slavko Puljić, te oficiri-specijalisti iz oblasti deminiranja.

Godišnjoj konferenciji prisustvovali su i predstavnici: Centra za uklanjanje mina (BHMACH), Komisije za deminiranja Vijeća ministara BiH, te donatora. Posebno je bilo zapaženo izlaganje predstavnika Norveške agencije za pomoć i Međunarodnog fonda za deminiranje (ITF).

Osim informacija o aktivnostima deminera u Oružanim snagama BiH, ohrabrujući je zaključak Godišnje konferencije o veoma dobroj saradnji BHMACH-a i Operativne komande Oružanih snaga BiH u aktivnostima deminiranja na terenu.

Pripadnici deminerskih jedinica OSBiH su, nakon održavanja Godišnje konferencije, održali taktičko-tehnički zbor na kojem su učesnicima ovog skupa prezentirali opremu s kojom rade na poslovima deminiranja.

Predsjedavajući  
Zajedničke komisije  
**Branko Zrno**